


Co-funded by
the European Union

**27. april 2026.
u 10 sati**

**Svečana sala
Rektorata
Univerziteta u
Sarajevu**

Obala Kulina bana 7/II
71000 Sarajevo

**APEL
okrugli
sto
(APRT)**



ERASMUS+ PROGRAM

ERASMUS-EDU-2025-CBHE-STRAND-3

Accreditation of Prior Experiential Learning Capacity-Building in the Western Balkans

Jačanje kapaciteta za akreditaciju prethodnog iskustvenog učenja na Zapadnom Balkanu

Broj projekta: 101236402 | Akronim projekta: APEL-WB

POZIV

APEL okrugli sto (APRT)

Poštovani/e,

zadovoljstvo nam je pozvati Vas da prisustvujete APEL okruglom stolu (APRT), koji će se održati u okviru Erasmus+ projekta APEL-WB – Jačanje kapaciteta za akreditaciju prethodnog iskustvenog učenja na Zapadnom Balkanu, u ponedjeljak, 27. aprila 2026. godine, u Svečanoj sali Rektorata Univerziteta u Sarajevu (drugi sprat), Obala Kulina bana 7/II, 71000 Sarajevo.

Cilj okruglog stola je otvoriti dijalog o značaju, mogućnostima i izazovima akreditacije prethodnog iskustvenog učenja (APEL) u visokom obrazovanju, uz učešće predstavnika akademske zajednice, institucija, tržišta rada, donosilaca javnih politika i studenata. Događaj predstavlja priliku za razmjenu iskustava, predstavljanje relevantnih praksi i zajedničko promišljanje budućih koraka u razvoju APEL pristupa u Bosni i Hercegovini i širem regionalnom kontekstu.

APEL je postupak kojim se znanja, vještine i kompetencije stečene kroz radno iskustvo, neformalno obrazovanje ili samostalno učenje, izvan tradicionalnih akademskih programa, formalno prepoznaju i vrednuju unutar sistema visokog obrazovanja. Za poslodavce i zaposlenike to znači da dugogodišnje radno iskustvo više ne ostaje nevidljivo: može biti službeno potvrđeno i pretvoreno u akademske bodove ili kvalifikacije, otvarajući nove puteve profesionalnog napredovanja bez ponovnog prolaska kroz cijeli studijski program.

Program okruglog stola obuhvata uvodna obraćanja, predstavljanje koncepta APEL-a, panel diskusiju o primjeni APEL-a u praksi, izlaganja relevantnih aktera, plenarnu diskusiju, kao i završne zaključke i preporuke. U prilogu Vam dostavljamo program rada događaja.

Bila bi nam čast da svojim prisustvom uveličate i učešćem doprinesete događaju.

Ljubazno Vas molimo da svoje učešće potvrdite najkasnije **19. aprila** putem e-mail adrese berina.smajlovic-doljancic@unsa.ba i javnost@unsa.ba.

S poštovanjem,

Prof. dr. **Dženana Husremović**, prorektorica za nastavu i studentska pitanja Univerziteta u Sarajevu
Berina Smajlović Doljančić, voditeljica projekta

Program okruglog stola

Šifra sesije	Vrijeme	Naziv sesije	Opis	Obraćanja
S1	09:30 – 10:00	Registracija učesnika	Dolazak učesnika, registracija i neformalno umrežavanje	Organizacijski tim Univerziteta u Sarajevu
S2	10:00 – 10:15	Otvaranje i pozdravna riječ	Pozdravno obraćanje i predstavljanje APEL projekta i ciljeva okruglog stola	prof. dr. Tarik Zaimović , rektor Univerziteta u Sarajevu
S3	10:15 – 10:30	Uvod u APEL	Prezentacija koncepta APEL-a, osnovnih principa i značaja u visokom obrazovanju	Berina Smajlović Doljančić , voditeljica projekta, Univerzitet u Sarajevu
S4	10:30 – 11:00	Panel diskusija: APEL u praksi	Diskusija o postojećim praksama, institucionalnim iskustvima i normativnom okviru	prof. dr. Dženana Husremović , prorektorica Univerziteta u Sarajevu; članica projektnog tima Univerziteta u Sarajevu; prof. dr. Eldin Mehić , Ekonomski fakultet Univerziteta u Sarajevu; član projektnog tima Univerziteta u Sarajevu; prof. dr. Duškanka Bošković , ministrica za nauku, visoko obrazovanje i mlade Kantona Sarajevo; Dragana Dilber , pomoćnica direktora Centra za informiranje i priznavanje dokumenata iz oblasti/područja visokog obrazovanja
S5	11:00 – 11:15	Pauza za kafu		
S6	11:15 – 12:15	Perspektive relevantnih aktera	Izlaganja predstavnika tržišta rada, donosilaca javnih politika i studenata	Suzana Tihi Babić , direktorica Sektora ljudskih resursa, Addiko Bank Sarajevo; predstavnik/ica HR odjela BH Telecoma; dr. Omer Korjenić , rukovodilac Jedinice za analizu tržišta rada, Federalni zavod za zapošljavanje; Hana Sarajlić , doktorantica i specijalistica za ljudske

potencijale, Univerzitet u Sarajevu;
predstavnik/ca Agencije za državnu
službu Federacije Bosne i Hercegovine

Panel moderira predstavnik/ca
projektnog tima Univerziteta u Sarajevu

S7	12:15 – 13:00	Plenarna diskusija	Otvorena rasprava o izazovima, mogućnostima i aspektima implementacije APEL-a	Ilhana Lekić , članica projektnog tima Univerziteta u Sarajevu, moderatorica
S8	13:00 – 13:20	Sažetak ključnih nalaza	Prezentacija glavnih zaključaka i preliminarnih preporuka	prof. dr. Eldin Mehić , Ekonomski fakultet Univerziteta u Sarajevu; član projektnog tima Univerziteta u Sarajevu
S9	13:20 – 13:30	Završna sesija	Završna obraćanja i pregled narednih koraka	prof. dr. Dženana Husremović , prorektorica Univerziteta u Sarajevu; članica projektnog tima Univerziteta u Sarajevu



Co-funded by
the European Union